

NALUNAARUTIT - Grønlandsk Lovsamling

Serie C-II

02 DEC. 2019

ISUMAQATIGIISSTUT

Naalakkersuisut aamma Suliner mik Inuussutissarsiuteqartut Kat-tuffiata akornanni **Nunaqarfinni peqqinissaqarfimmi sulisut** pil-lugit isumaqatigiissut.

IMAASA NALUNAARSORSIMAFFIAT

	<u>Qupp.</u>
§ 1 Isumaqatigiissummi pineqartut.	3
§ 2 Suliffiup sivisussusia.....	3
§ 3 Piffissap ilaannaani sulineq.	4
§ 4 Akissarsiat.	5
§ 5 Soraarnerussutisiassanut akiliutit taakkulu akilerneqartarneri.	5
§ 6 Ukiut suliffiit malillugit akissarsiat qaffakkiartortarneri. 6	6
§ 7 Ataasiakkaanut tapinut immikkoortitat.	6
§ 7 A Suliarstoqquneqaratarsinnaanermut tapit.	6
§ 8 Annaassiniarmik taskimik atortussiamut tapeq.	6
§ 9 Ingiallortaalluni angalanerit.	7
§ 10 Sulinermut atatillugu angalanerni saniatigut aninggaasartuutaasartut, tassunga ilanggullugit ullormusiat, unnuinermi tapisiat (akunnittarfimmiinnermut atugassat) atortussarsiutillu.	8
§ 11 Assuarlersinnaatitaaneq.	8
§ 12 Akissarsiat akiliutigineqartarnerat.	9
§ 13 Sulinngiffeqarneq sulinngiffeqarnersiutisiallu.	9
§ 14 Toqukkut qimagaanersiutit.	10
§ 15 Napparsimaneq.	11
§ 16 Naartuneq, ernineq qitornavissiartaarnerlu.	12
§ 17 Meeqqap napparsimanerani ullormi siullermi sulinngiffeqarsinnaatitaaneq.	13
§ 18 Meeqqap napparsimanerani sulinngiffeqarnerit allat.	13
§ 19 Pisortanik sullissineq.	14
§ 20 Sulinngiffeqarnerit allat immikkut ittut.	15
§ 21 Sulinngiffeqartarnerit.	16
§ 22 Isumaqatigiinngissutit kinaassusersiortumillu soraarsitsinerit.	16
§ 23 Soraarnissamut/soraarsitsinissamut ilimasaarineq.	17

Immikkoortoq N
(Nunaqarfinni peqqinissaqarfimmi
sulisut
SIK)

§ 24 Nunaqarfinni peqqinissaqarfimmi sulisut nal. akunnermusiallit.	18
§ 25 Akissarsiat katiterneri.	20
§ 26 Piffissaq isumaqatigiissutip atuuffia.	20

§ 1

Isumaqtigiissummi pineqartut.

Isumaqtigiissummi uani pineqarput Nunaqarfinni peqqinissaqarfimmi sulisut isumaqtigiissut manna malillugu Kalaallit Nunaanni Namminersorlutik Oqartussani atorfinitssinneqartut isumaqtigiissutinnullu allanut attuumassuteqanngitsut.

Imm. 2. Tjenestemandit imaluunniit naalagaaffimmit, Namminersorlutik Oqartussanit, kommuninit imaluunniit suliffeqarfinnit akuersissuteqarfigineqarsimasunit tjenestemandit soraarninngorsimasut isumaqtigiissummi uani ilaatinneqanngillat.

§ 2

Suliffiup sivisussusia..

Nunaqarfinni peqqinissaqarfimmi sulisut nalunaaquttap akunneri aalajangersimasut sapaatit akunnerannut nalunaaquttap akunnerinut ukununnga aalajangersarneqartut tunngavigalugit akissarsiaqartita-assapput:

- a) Nunaqarfinni ukunani Alluitsup Paa, Ikerasak, Kullorsuarlu akunneri 40-t, kiisalu qaammammut tapisiat 1.000,00 kr.-it.
- b) Nunaqarfinni ukunani Upernavik Kujalleq Innarsuillu nalunaaquttap akunneri 40-t, kiisalu qaammammut tapisiat 500,00 kr.-it.
- c) Nunaqarfinni ukunani Aappilattoq, Ikerasaarsuk, Nuussuaq, Qeqertaq, Sarfannguaq, Tiniteqilaarlu nalunaaquttap akunneri 40-t.
- d) Nunaqarfinni ukunani Ammassivik, Qassimiut, Eqalugaarsuit, Igaliku, Kangerluk, Kapisillit, Naajaat, Niaqornat, Oqaatsut, Saarloq, Savissivik, Siorapaluk, Tasiusaq, Arsuk, Atammik, Attu, Iginniarfik, Akunnaaq, Ikamiut, Narsaq Kujalerlu nalunaaquttap akunneri 30-t.

Imm. 2. Toqusut timaannik periareersaanermi, asattuinermi atisalersuinermilu ullormut tamakkiisunik sulinerup avataatigut nal.akunneranik ataatsimik ilaneqassaaq

Imm. 3. Sulinermut atatillugu angalanerni piffissaq angalaffiusoq suliffimmuit/suliffimmut suliffittut naatsorsorneqartassaaq. Taamaattorli piffissap suliffiup taama naatsorsorneqarnerata kingunerisaanik ullormi pineqartumi piffissaq suliffiusussaq eqqortinneqanngitsutut isagineqarsinnaanngilaq.

Imm. 4. Sulisorli siniffissaqartinneqarpat nal. 22.00-p nal. 08.00-illu akornanni piffissaq angalaffiusoq piffissatut suliffittut naatsorsuunneqassanngilaq.

Imm. 5. Taamaattoq ingiallortaalluni angalanermi akissarsiaqarnermut aammalu suliffiup sivisussusianut immikkut ittumik aala-jangersakkat atuutsinneqarput § 8 naapertorlugu.

§ 3.

Piffissap ilaannaani sulineq.

Nunaqarfinni peqqinissaqarfimmi sulisut piffissap ilaannaas sulisussatut sulisussarsiarineqartut qaammammut akissarsiaqartinneqassapput piffissamut qanoq sivisutigisumik sulisarnertik naaper-torlugu.

Imm. 2. Suliffiup sivisussusianik allangortitsineq, tassungalu ilaalluni piffissap ilaannaas sulisup sulileqqaarnerani isumaqati-giissutigineqartumut naleqqiullugu sivitsuigallarneq, taamaallaat ulluni 3-nik sioqqutsisumik ilisimatitsinikkut pisinnaavoq. Taamatut ilisimatitsisoqanngippat nal. akunnerisa suliffiorpiartut saniatigut nal. akunneranik 1-inik pissarsisitsisoqassaaq. Piffissamik suliffissamik allangortitsisoqassatillugu inuit ataasiak-

kaat piffissap allanngortinneqartup nalaani sulinnginnissaminnik kissaataat ataqqineqartassapput.

§ 4

Akissarsiat.

Nunaqarfinni peqqinissaqarfimmi sulisut imaattunik qaammammusiaqartinneqassapput:

	ukiut	01.04.18	01.04.19	01.04.20	01.04.21
Skala trin suliff					
4	1 1.-2. år	16.400,09	16.780,65	17.161,22	17.541,78
5	2 3.-4. år	16.533,07	16.913,63	17.294,20	17.674,76
6	3 5.-6. år	16.670,13	17.050,69	17.431,25	17.811,82
7	4 7.-8. år	16.810,68	17.191,24	17.571,81	17.952,37
8	5 9.ogflg.år	16.954,92	17.335,48	17.716,05	18.096,61

Imm. 2. Sulisut sapaatit akunneranni nalunaaquttap akunnerinit 40-nit sivikinnerusumik sulisartut § 2 naapertorlugu piffissamut suliffiusumut naleqquttumik annertussusilikkanik akissarsiaqartitaassapput.

§ 5

Soraarnerussutisiassanut akiliutit

taakkulu akilerneqartarneri.

Isumaqtigiissut malillugu sulisup 18-nik ukioqalereersimasumut soraarnerussutisiaqalernissaanut isumaqtigiissummi matumani akissarsiat paragrafini tunngaviusumik akissarsiat taaneqartut 11,50%-ii sulisitsisup akilertassavai. Akiliutigineqartup agguataarlugu sulisumut pingajoraarterutaa pigitinneqarpoq sulitsisumullu pingajoraarterutaa marluk pigitinneqarluni. Soraarnerussutisiaqartitsisoqartassaaq soraarnerussutisiaqalernissamut aaqqissuussinermi malittarisassaani aalajangersakkat naapertorlugit.

Imm. 2. Sulisoq atorfeqarnini tunngavigalugu soraarnerussutisias-
sanut akiliutit imm. 1-imni taaneqartut saniatigut sulisitsisumit
soraarnerussutisiaqartitaanissamut ikiutisiaqartitaanissamulluun-
niit pisinnaatitaaffeqanngilaq.

S 6

**Ukiut suliffiit malillugit
akissarsiat qaffakkiartortarneri.**

Nunaqarfinni peqqinissaqarfimmi sulisut akissarsiat qaffakkiartor-
tarneri ukiut pineqartup peqqinissaqarfimmi nunaqarfinni
peqqissaasut ut suliffigisimasaasa amerlassusii malillugit naatso-
rsorneqartassapput.

Imm. 2. Sulisitsisumi nikinnani suliuaannarnermi sulinngiffeqar-
nermi, napparsimanermi, erninerup qitornavissiartaarnerullu na-
laanni kiisalu pisortanit suliassaqartitaanermik pissuteqartumik
sulinnginnermi akissarsiat qaffakkiartortinneqarnerat ingerlas-
saaq.

S 7

Ataasiakkaanut tapinut immikkoortitat.

Sulisut 1. april 2014-mi ataasiakkaanut tapisiallit nammineq tapi-
siatut suliunnaarnissap tungaanut tapisiariinnassavaat.

S 7 A

Suliartoqquneqaratarsinnaanermut tapit.

1. april 2003-miit nunaqarfinni peqqissaasut suliartoqquneqara-
tarsinnaanermut tapisiaqartinneqalissapput qaammammut 1.445,00
kr.-nik.

§ 8

Annaassiniarnermi taskimik atortussiamut tapeq.

Tapisiaq Nunaqarfinni peqqinissaqarfimmi sulisunut, Peqqissaanermik Ilinniarfiup aaqqissugaanik ingerlataanillu qaffariartortitamik inunniq annaasiniaanermi atortussiamik taskimik il.il. atuisinnaanermik ilinniartitaasimasunut, ilinniartitaanerullu pingajuannik naammassereernermik kingorna atuisinnaanermik sungiusarsimanermik naammassisimanermik uppernarsaammik pissarsisisimasunut qaammammoortumik tapimik tunniqarsinnaavoq 500,- kr.-mik annertus-susilik.

§ 9

Ingiallortaalluni angalanerit.

Napparsimasup Kalaallit Nunaannut, Kalaallit Nunaanni Kalaallit Nunaanniillu angallanneqarnerani isumannaatsumik passunneqarnissaa pissutigalugu nakorsap pisariaqartippagu Nunaqarfinni peqqinissaqarfimmi sulisumik napparsimavimmi sulisumik ingiallorneqarnissa maleruagassat makku malillugit aningaasarsisitsisoqartassaaq:

Imm. 2. Nalinginnaasumik suliffissap nalaani piffissap suliffiup naatsorsorneqarnerani ingiallortaalluni angalanermi ullormut nal. akunneri 8 ilanngunneqartassapput.

Imm. 3. Ullormut nal. akunneri 8 sinnerlugit paarsisuulluni angalanermi nal. akunnerisa 4 aallartinneri tamaasa tapisiaqartitsisoqassaaq 1. april 1991-imuit ulluinnarni 222,50 kr.-inik toqqam-mavilinnik, arfininngornerni sapaatini nalliuttunilu 312,50 kr.-inik toqqammaveqarlutik. Tapisiat immikkut tapisiatut iluarsiivigineqartassapput malittarisassat Atorfillit Kattuffianut atuuttut naapertorlugit.

Imm. 4. Ullut sulinngiffeqarfissat suliffigineqartulli taartisis-sutigitinneqartassapput sapinngisamik taarsiullugu sulinngiffeqartitsinertut. Sap. akunneranut aamma nalliuttunut ulloq sulinngif-----

fegarfissaq suliffigisariaqagaq ataaseq kisiat taartisissutisiari-neqartassaaq. Ullut sulinngiffeqarfissat suliffigisariaqakkat aningaasarsiffigineqassappata taakku ullormut sulinngiffeqarfimmun. akunnerini 40-ni nal. akunnerinik 8-nik akilerneqassapput aamma ullormut sulinngiffeqarfimmut nal. akunnerini 64-ini nal. akunnerinik 16-inik akilerneqassallutik.

Imm. 5. Piffissaq suliffiusussaq pillugu maleruagassat allat - soorlu qaangiuttoornermut, suliartoqquneqaratarsinnaatitaanermut, arfininngornikkut nal. 14.00 kingornatigut sulinernut, sapaatini nalliuuttunilu sulinernut aamma suliamut atatillugu angalanerit nalaanni piffissap suliffiup naatsorsorneri - atorunnaarsinnejär-put.

Imm. 6. Paarsisuulluni angalanerni ullormusiaqartitsisoqartassaaq § 9 naapertorlugu.

§ 10

**Sulinermut atatillugu angalanerni saniatigut
ningaasartuutaasartut, tassunga ilanngullugit ullormusiat,
unnuinermi tapisiat (akunnittarfimmiinnermut atugassat)
atortussarsiutillu.**

Nunaqarfinni peqqinissaqaarfimmi sulisut angerlarsimaffittut na-jukkamik avataannut suliartorallartitaasut aningaasanik pissarsi-assaqartinneqassapput malittarisassat tjenestemandinut Namminersornerullutik Oqartussani kommunenilu sulisunut atuuttut naaper-torlugin, taakkulu immikkut takussutissiami takuneqarsinnaapput.

§ 11

Assuarlersinnaatitaaneq.

S.I.K. tunngaviusumik isumaqatigiissummi isumaqatigiissut naaper-torlugu assuarlersinnaatitaavoq isumaqartoqarpal sulisut ulluin-----

narni piffissap suliffiusussap inissisimanissa aamma arfininngor-nermi sulinngiffeqartarnissamik aaqqissuussinerit pillugit kissaa-tigisaannik soqutiginninnginneq suliffeqarfiup iluaqtissaanut so-qutiginninnermik naammattumik tunngavilersorneqarsinnaanngitsoq.

Imm. 2. Nalornissutigineqalerpat sulisoq saniatigut aningaasarsi-assanik §§ 8 aamma 9-im i taaneqartunik pissarsiaqarsinnaatitaaner-soq tatigisatullu sinniisoq aqqutigalugu tamakku pillugit saaffi-ginnissutit naammaginartumik aaqqiisoqarneranik kinguneqanngippa-ta, suliaq tunngaviusumik isumaqatigiissut pillugit isumaqatigiis-summi maleruagassat malillugit suliarineqassaaq.

§ 12

Akissarsiat akiliutigineqartarnerat.

Akissarsiat tapisiaallu qaamatikkaartumik kingumoortumik akiliuti-gineqartassapput.

Imm. 2. Akissarsiat qaammatit naaneri tamaasa akissarsianut kontu-mut sulisup aningaaserivimmi toqqassallugu pisussaaffigisaanut ikineqartassapput.

Imm. 3. Piffissaq naatsorsuusiorfiusoq aammalu akiliuteqarfissaq, naliginnarmik qaammammut akissarsiat sinnerlugit, peqqinnissaqarfimmit aalajangiiffiqeqartassaaq.

§ 13

Sulinngiffeqarneq sulinngiffeqarnersiutisiallu..

Sulisut feriernersiuteqarneq feriernerlu pillugit Inatsisartut inatsisaat nr. 10 12. november 2001-imeersoq naapertorlugu sulinngiffeqarsinnaatitaapput. Inatsisisip § 2-at naapertorlugu aa-

lajangersakkat ataani immikkut taaneqartut makku isumaqatigiis-
sutigineqarput.

Imm. 2. Sulisut Inatsisartut inatsisaanni § 15, imm. 2 naaper-
torlugit 12½ %-nik sulinngiffeqarnersiuteqarluni sulinngiffeqarneq
akissarsiaqarluni sulinngiffeqarnermut taarsiullugu toqqarpassuk
ullut sulinngiffeqarfiiit amerlassusii naapertorlugit aningaasar-
siat ilanngaaffigineqassapput. Sulinngiffeqarnersiutit ukiumut
ningaasarsiarisimasanut naatsorsorneqassapput.

Imm. 3. Soraarnermi akissarsiat 12½ %-ii sulinngiffeqarnersiutis-
iassatut tunniunneqassapput.

Imm. 4. Sulinngiffeqarnermi aningaasanik pisassanik piumasaqarneq
su-lisitsisumut saqqummiunneqassaaq ukiup sulinngiffeqarfissaasi-
masup qaangiutereernerani kingusinnerpaamilli qaammatit pingasut
qaanngiutsinnagit. Taamaanngippat aningaasat Sulinngiffeqarnermut
Aningaasaateqarfimmut nakkassapput, tak. Sulinngiffeqarnermut An-
ingaasaateqarfik pillugu isumaqatigiissummut tapiliussaq.

§ 14

Toqukkut qimagaanersiutit.

Piffissami suliffeqarfiusumi sulisoq toqukkut qimaguppat, aappaan-
nut qimagaasumut imaluunniit meeqlanut 18-it inorlugit ukiulinnut
sulisup pilersuisussaaffigisaanut aningaasat uku akiliutigineqas-
sapput:

Atorfegar-
figisami ukioq 1 sulisimappat : Qaam. 1 akissarsiat
- ukiut 2 sulisimappat : Qaam. 2 akissarsiat
- ukiut 3 sulisimappat : Qaam. 3 akissarsiat

§ 15

Napparsimaneq.

Sulisoq napparsimanini pissutigalugu sulisinnaanngippat, taassuma kinguneranik sulinnginneq inatsisinik unioqqtitsinani sulinngin- nertut isagineqassaaq, sulisoq sulinermini piaaraluni mianersuaalliorujussuarluniluunniit napparsimalersimanngippat imaluunniit atorfininnermi salloqittaalluni napparsimanini nipangiusimasimapagu

Imm. 2. Sulisitsisut aamma atorfillit akornanni pissutsit pillugit Inatsisartut inatsisaat naapertorlugu sulisunut napparsimanermi aammalu piffissami sivikillisakkamik soraarsitsinermi qaamatini tulleriiginnarni ullut 120-ini akissarsiaqartitsilluni periaatsit atuupput.

Imm. 3. Sulisut imm. 2-mi pineqanngitsut qaamatini tulleriiginnarni aqqaneq marlunni katillugit ullut 120-ini napparsimanermi akissarsiaqarsimappat, qaamatip naaneranut imatut siumut ilisimatitsereerluni soraarsitsisoqarsinnaavoq:

Suliffeqarfimmi ataatsimi;

- ukiuni 0 - 5 atorfeqareernermi: qaamatataaseq
- ukiuni 6 - 8 atorfeqareernermi: qaamatit pingasut
- ukiuni 9 - sivisunerusumillu atorfeqareernermi: qaamatit sisamat.

Soraarsitsinerup atuutitinneqarnissaanut piumasagaataavoq ullut napparsimaffit 120-it taakku naanerannut atatillugu soraarsitsisoqasssoq aammalu inuk pineqartoq suli napparsimatilluugu, kisiannili atuutitinneqarsinnaaneranut apeqqutaanngilaq inuk pineqartoq soraarsitsinissap nalunaarutigineqareernerata kingorna suliffiminut utersimappat.

Imm. 4. Kisiannili imm. 2 aamma 3-mi aalajangersagaq malillugu atorfeqarnermit soraarsitsisoqarsimappat, atorfinitsitseqqit-

toqartariaqarpoq inuk pineqartoq sulileqqissinnaalerpat aammalu suliffeqarfimmi pineqartumi inuup pineqartup sulinissaa atorfissaqartinneqarpat.

Imm. 5. Suliffimmiit napparsimaneq piqqutigalugu qimagussimaneq nakorsap upternarsaaneratigut upternarsarneqarnissaa piumasarineqarsinnaavoq.

Imm. 6. Nakorsat upternarsaataat imm. 5 malillugu piumasarineqartut sulisitsisumit akilerneqassapput.

§ 16

Naartuneq, ernineq qitornavissiartaarnerlu.

Qaamaammusiallit sulinngiffeqarsinnaatitaapput, naartunermi, erne-reernerup kingorna qitornavissiartaarnermilu Inatsisartut inatsisaat qaqugumulluunnit atuuttoq naapertorlugu. (maannakkut Inatsisartut inatsisaat nr. 14, 7. december 2009-meersoq).

Imm. 2. Sulinngiffeqarnerup nalaani sulisoq akissarsiani pigi-innarlugit sulinngiffeqarsinnaavoq Inatsisartut peqqussutaanni nr. 7. 22. oktober 1990. Uani takussutissiami takuneqarsinnaavoq akisarsiaqarluni naartunermi meeqqamillu ataatsimik meerartaarnermi:

Anaanaq: sap.ak. marluk erninissaq sioqqullugu	Anaanaq: sap.ak. 14-it kingorna	Tamarmik: sap.ak. sisamat avinne-qartussat imm. anaanaasup kisimi.
	Ataataq: sap.ak. 1-p kingorna	

§ 17

**Meeqqap napparsimanerani ullormi siullermi
sulinngiffeqarsinnaatitaaneq.**

Sulisoq tamakkiisumik ilaannakuusumilluunniit akissarsiaminik annaasaqarani sulinngiffeqarsinnaatitaavoq meeqqap nukangasup napparsimanerani ullormi siullermi.

Imm. 2. Sulinngiffeqarsinnaatitaanermi tunngavissaritaapput:

- a) Ulloq tassaappat meeqqap napparsimaffia siulleq,
- b) meeqqap atugai patsisigalugit tamanna pisariaqarpat,
- c) suliffimmi pissutsit tamanna ajornartinngippassuk, aamma
- d) meeraq angerlarsimappat.

Imm. 3. Ullut napparsimaffiit nalunaarsorsimaffiat taperneqassaaq ilisimatitsissummik sulinnginnej peqquteqartoq meeqqap napparsimanerani ullormi siullermi peqannginnermik.

Imm. 4. Aaqqissuussineq sulisunut ataasiakkaanut atortussaajun-naarsinnejqarsinnaavoq atornerluisoqartillugu.

Imm. 5. Nalunaaquttap akunneranut akissarsialinnut akissarsianik annaasaqarani sulinngiffeqarnermi sulisup nalinginnaasumik nalunaaquttap akunneri suliffigisartagai aamma nalinginnaasumik nalunaaquttap akunneranut akissarsiai tunngavigalugit aalajangersimsumik tapisiat ilanngullugit ullormi pineqartumi akissarsisitsiso-qassaaq.

§ 18

Meeqqap napparsimanerani sulinngiffeqarnerit allat.

Meeqqap 0-imiiit 16-it tikillugit ukiullip illoqarfimmi najukkami imaluunniit illoqarfimmi allami napparsimmavimmi unittariaqaler-

nerani sulisoq ullut aqqaneq marluk tikillugit akissarsiaminik annaasaqarani angalaqataasutut aamma Peqqinnissaqarfifup akiligaanik angalaqataanermut atatillugu meeqqap uninnganerani sulinngifeqarsinnaatitaavoq.

Imm. 2. Meeqqap napparsimmavimmut uninnissaa angajoqqaallu uneqataanissaat kiisalu angalaqataanissaat upternarsaaserneqassapput.

Imm. 3. Taamatuttaaq imm. 1, naapertorlugu sulinngiffeqartitsisoqar-sinnaavoq meeqqap angerlasimaffimmini innangatinneqarnissaa nakorsamit innersuunneqarpat/uppernarsarneqarpat.

Imm. 4. Immikkut illuinnartumik pissutissaqartillugu nakorsamillu upternarsarneqarpat, sulinngiffeqarneq sivitsorneqarsinnaavoq ullut 5 tikillugit.

§ 19

Pisortanik sullissineq.

Isumaqtigiissut una naapertorlugu atorfillit qinikkatut pisortanillu suliassaqartitaanerit pillugit Namminersornerullutik Oqartussat qinikkatut pisortanillu toqqakkatut suliaqarneq pillugu nalunaarutaat nr. 5, 15. marts 1994-meersoq naapertorlugu sulinissaminnut sulinngiffeqarsinnaatitaapput.

Imm. 2. Imm. 1, malillugu suliffigisamiit qimagusimaneq piffissaminalinginnaasumik suliffiusussaagaluami ilinniagaqarsimasunut aamma ilinniagaqarsimannngitsunut isumaqtigiissutit malillugit qaangiuttoornersiaqarfissaq sioqquillugu pisoq sumiginnaanertut isigineqassanngilaq. Suliffimmiit qimagusimanissaq sapinngisamik sioqput-silluarluni sulisitsisumut nalunaarutigineqassaaq.

Imm. 3. Pisortanit suliassaqartitaaffinni allani SIK-p immikkoortortaqarfifi siulersuisunut, SIK-p inuuusuttaani siuliersuisunut

aammaalu SIK-p siulersuisuunerinut ilaasortat, pisortat oqartussaasoqarfiinit piumaffigineqarneq tunngavigalugu ilaasortaaffigineqartut imm. 1-mi 2-milu malittarisassat tunngavigineqassapput.

Imm. 4. SIK-p siulersuisuuneli, SIK-p Inuusuttaisa siulersuisuuneli ilaasortat, ataatsimeersuarterni, sinniisutut aallartitani peqataanermut atatillugu SIK-p siulersuisuunerinut aamma SIK-p Inuusuttaaisa siulersuisuunerinut ilaasortat, aningaasarsiaqarlutik sulinngiffeqarsinnaatitaapput amerlanerpaamik ukiumut sisamariarlutik.

Imm. 5. SIK-p immikkoortortaqarfiini siulersuisut, SIK-p siulersuisuunerini aamma SIK-p Inuusuttaaisa siulersuisuunerini ilaasortat, akissarsiaqaratik sulinngiffeqarnissartik kissaatigippassuk tamanna akuerineqartariaqarpoq. Taamatut sulinngiffeqartoqarsinnaavoq ukiut ataasiakkaarlugit.

§ 20

Sulinngiffeqarnerit allat immikkut ittut.

Ilaquttat qanigisat napparsimaruloortillugit aamma/imaluunniit ilisaanerini sulisoq ukiuq ataaseq sulereersimaguni akiliunneqarlu ni angalasinnaatitaavoq sulinngiffeqarsinnaatitaallunilu ilaquttat qanigisat napparsimaruloortillugit aamma/imaluunniit ilisaaneran nut atatillugu akiliunneqarlu ni angalasarnerit sulinngiffeqartar nerillu pillugit malittarisassat sukkulluunniit Kalaallit Nunaanni tjenestemandinut atuuttut naapertorlugit, taakkulu immikkut takussutissiami takuneqarsinnaapput.

Imm. 2. Sulinngiffeqarnissamik akiliunneqarlu ni angalanissamik qinnuteqaat sulisitsisumut allaganngorlugu tunniunneqassaaq.

Imm. 3. Ilaquttatut qanigisatut paasineqassapput: angajoqqaat, katissimasat tamatumunngalu naligisitaasut, qitornat qatanngutillu, kisiannili katissimasap tamatumunngalu naligititaasup ilaqtai pinnagit.

§ 21

Sulinngiffeqartarnerit.

Qaammatisiutit naapertorlugit ulluni nalliuuttuni atorfilik akis-sarsiaqaatigalugu sulinngiffeqarsinnaatitaavoq.

Imm. 2. Ullutut nalliuuttutut uku naatsorsuunneqassapput:

- a) ilagait Lutherikkut nalliuuttui,
- b) juulliaraq,
- c) ukiutoqaaq,
- d) kunngit pingasut ulluat (nal. 12.00 kingornatigut),
- e) 1. maj (nal. 12.00 kingornatigut) aamma
- f) kalaallit inuiattut ullorsiorfiat 21. juni.

§ 22

Isumaqtigiinngissutit kinaassusersiortumillu soraarsitsinerit.

Isumaqtigiinngissutit suliarineqartassapput aaqqiaginngissutit suliarineqartarnissaannik tunngaviusumik isumaqtigiissummi aalajangersakkat naapertorlugit.

Imm. 2. Inunniq ataasiakkaanik soraarsitsisisinnaaneq atorneqaraangat tamanna kinaassusersiornermik tunngaveqartassanngilaq. Tamanna pillugu apeqqutit aaqqiagiinngissutit suliarineqartarnissaannik tunngaviusumik isumaqtigiissummi aalajangersakkat naapertorlugit suliarineqartassapput.

§ 23

Soraarnissamut/soraarsitsinissamut ilimasaarineq.

Sulisitsisut aamma atorfillit akornanni pissutsit pillugit Inatsisartut inatsisaat naapertorlugu sulisunut soraarnermut atatillugu ajunngitsorsiaqaqarsinnaaneq aammalu soraarniuteqarnermut periaasisusut, ilaatigut misiliutaasumik atorfininneq, utaqqiissaagallartumik suliaqarneq narparsimanermilu atuupput.

Imm. 2. Sulisitsisut aamma atorfillit akornanni pissutsit pillugit Inatsisartut inatsisaat naapertorlugu sulisunut sulisitsup tungaani sulisumik imatut siumut ilisimatitsereerluni soraarsitsisoqarsinnaavoq, misiliutaasumik atorfininneq imaluunniit utaqqiissaagallartumik suliaqarallarneq pineqanngippat:

- a) Atorfininnerup kingorna qaamatini arfinilinni siullerni qaammammik ataatsimik ilisimatitsereerluni qaamatip naaneranut
- b) Atorfininnerup kingorna qaamatit arfinillit kingorna qaamatnik pingasunik ilisimatitsereerluni qaamatip naaneranut
- c) Taassuma kingorna ukiut atorfekarnerit pingasukkaarlugit siumut ilisimatitsereerluni soraarsitsisinnaanerit qaammammik ataatsimik ilaneqartassapput, kisiannili annerpaamik qaamatini arfinilinni.

Imm. 3. Soraarniuteqarneq imm. 2 naapertorlugu piffissaqarluartumik ilisimatitsissutigineqassaaq siumut soraarniuteqarnerup ili simatitsissutigineqarnerani piffissap iluani pisusanngorlungu.

Imm. 4. Sulisitsisut aamma atorfillit akornanni pissutsit pillugit Inatsisartut inatsisaat naapertorlugu sulisut qaammammik ataatsimik siumut ilisimatitsilluni qaammaatip naanneranut soraarniuteqarsinnaavoq, misiliutaasumik atorfininneq imaluunniit utaqqiissaagallartumik suliaqarallarneq pineqanngippat.

Imm. 5. Sulisut Sulisitsisut aamma atorfillit akornanni pissutsit pillugit Inatsisartut inatsisaat naapertorlugu pineqanngitsut,

atorfeqarnermi qaammatini pingasuni siullerni ullunik tallimanik siumut nalunaaruteqarlutik ullormut sumulluunniit soraarsinnaavoq. Tamannalu sulisitsisumiit sulisumiillu atuuppoq. Qaammatit pingasut atorfeqareernerut kingorna soraarniuteqarsinnaanerit imm. 2 b-c aamma imm. 4-miitut atuupput.

Siuraarniuteqarnermut maleruagassat misiliutaasumik atorfininnermi imaluunniit utaqqiissaagallartumik suliaqarallarnemi siuliani inatsimmi pineqartumi atuutiningillat.

Imm. 6. Sulisitsisup sulisullu soraarsitsinissamik soraarnissamilu siumut nalunaarutaat allaganngorlugu tunniunneqassaaq.

§ 24

Nunaqarfinni peqqinissaqarfimmi sulisut nal. akunnermusiallit.

Nunaqarfinni peqqinissaqarfimmi sulisut atorfeqavinnissaq siunertarinagu, kisiannili sulinngiffeqartoqartillu, napparsimasoqarnerani assigisaannilu taartissatut imaluunnit qaammatit pingasut inorlugit sivisussusilimmik allamik suliaqarallarnissamut sulisussarsiarineqartut, nal. akunnermusialerlugit aningaasarsitin-neqartassapput. Qaammatit pingasut sinnerlugit sulereernerri pineqartoq qaammamusiaqalersinneqassaaq, taamaattorli sulisartup kis-saatigiguniuk nalunaaquttap akunnermusiaqannarsinnaavoq.

Imm. 2. Ulluunerani sulinermi nal. akunnermusiaq pineqartup ukiut suliffii tunngavigalugit § 4 naapertorlugu qaammamusiaritinneqartup 1/173,33-erivai, naatsorneqasallunilu § 2-mi sapaatip akunneranut aalajangersimasumik nal.akunneri suliffissat aala-jangersarsimaneri naapertorluginit.

Imm. 3. Nunaqarfinni peqqinissaqarfimmi sulisut nal. akunnermusi-allit akissarsiffissaat ullunut 14-inut naatsorsorneqartassaaq, ataasinngornermiit sapaatit akunnerisa marluk naaneranni sapaat ilanngullugu.

Imm. 4. Nunaqarfinni peqqinissaqarfimmi sulisut nal. akunnermusi-allit isumaqatigiissummi § 4-mi skalat malillugit ukiut suliffiit qaffakkiartortarneri naapertorlugit inissinneqassapput. Nunaqarfinni peqqissaasut nal. akunnermusiaqarnermik nalaani ukiut suliffiit qaffakkiartortarnerinik pissarsisinnaanngillat.

Imm. 5. Suliffiup sivisussusianut il. il. aalajangersakkat nunaqarfinni peqqissaasut qaammamusialinnut atuuttut atuutsinneqassapput.

Imm. 6. Nunaqarfinni peqqinissaqarfimmi sulisut nal. akunnermusi-alinnut aalajangersakkat §-ini 5-mi, 9-im, 10-mi aamma 15-miittut atuutsinneqarput.

Imm. 7. Nunaqarfinni peqqinissaqarfimmi sulisut nal. akunnermusi-allit sulinerat siumut qaammammik ataatsimik siumut ilisimatitsil-luni qaammaatip naanneranut atorunnaarsinneqarsinnaavoq.

Imm. 8. Nunaqarfinni peqqissaasut nal. akunnermusiallit ullut 6-it ingerlaneranni akissarsiaqaratik ullormi ataatsimi sulinn-giffeqarsinnaatitaapput.

Imm. 9. Nunaqarfinni peqqinissaqarfimmi sulisut nal. akunnermusi-allit feriernersiutissaattut akissarsiaasa 12½ %-iattut annertutigisut katersorneqartarput.

Imm. 10. Isumaqtigiissut matumani §-it 7 A, 16, 21 aamma 22-imi aalajangersakkat nakorssaataasivinnik nakkutilliisut nal. akunner-musialinnut atuutinngillat.

§ 25

Akissarsiat katiternerri.

Akissarsiat § 4-mi imak katitigaapput 1. april 1991-mi tunngavi-usumik aningaaarsianik aammalu tunngaviusumik aningaaarsianut tapiliussamik. Tunngaviusumik akissarsianut tapiliussaq 1. april 2000 16,4789%-imik. Skala-mi akissarsiat iluarsiissutitaqangitsumik koruuninngorlugu tapiliussamik qaffaavigineqassapput ataanni qaffaatit allassimasut najoqqutaralugit:

01.04.18

kr 380,56

01.04.19

kr 380,56

01.04.20

kr 380,56

01.04.21

kr 380,56

§ 26

Piffissaq isumaqtigiissutip atuuffia.


Isumaqtigiissut una 1. april 2018 atuutilerpoq. Isumaqtigiissut illuatungeriinnit tamanit qaammatinik 3-nik siumut ilimasaaru-teqarnikkut 31. marts-imut taamaattorli siusinnerpaamik marts-ip 31.-ani 2022-imut atorunnaartussanngortinnejarsinnaavoq.

Immikkoortoq N
(Nunaqarfinni peqqinissaqarfimmi
sulisut
SIK)

Imm. 2 Isumaqtigiissut atorunnaarpat piffissap nutaamik isumaqtigiissuteqarfissap tungaanut akissarsiat marts-ip 31.-ani 2022 atuuttut malillugit akissarsiaqartitsisoqassaaq.

Nuummi, ulloq **2 DEC. 2019**

Sulinermik Inuussutissarsiuteqartut
Kattuffiat



Jess G. Berthelsen

Naalakkersuisut
n.s.



André Steenholdt-Guttesen

Taamalu isumaqtigiissut 14. November 2014-imeersog atorunnaarpoq.